



OPĆINA KAKANJ

Broj : 02/1- 4905 /20
Datum : 19.06. 2020. god.

Na osnovu člana 38. Statuta Općine Kakanj („Službene novine Općine Kakanj“, broj:4/08), člana 3. Odluke o načinu odabira projekata nevladinih/neprofitnih organizacija po LOD metodologiji („Službene novine Općine Kakanj“, broj:8/18), Općinski načelnik objavljuje

JAVNI POZIV
za finansiranje projekata nevladinih organizacija/organizacija civilnog društva iz Budžeta Općine Kakanj za 2020. godinu

Općina Kakanj poziva nevladine organizacije/organizacije civilnog društva da dostave prijedloge projekata koji su u skladu sa razvojnim ciljevima općine iz slijedećih prioritetnih oblasti:

1. Prioritetne oblasti:

Obrazovanje

- Podizanje svijesti o važnosti cjeloživotnog učenja, promovisanje demokratije i volonterizma
- Projekti poboljšanja inkluzivnosti osnovnog i srednjeg obrazovanja

Socijalna zaštita

- Unapređenje kvaliteta života građana treće životne dobi
- Projekti podrške samohranim majkama i žrtvama nasilja u porodici
- Poboljšanje položaja marginalizovanih kategorija stanovništva

Mladi

- Kreativno izražavanje (književnost, likovna umjetnost, muzika, ples, umjetnička fotografija i sl.)
- Prevencija maloljetničke delinkvencije, zloupotrebe interneta, vršnjačkog nasilja, narkomanije, alkoholizma i ostalih pošasti suvremenog doba i
- edukacija

Kultura

- Promocija različitih vidova kulture, umjetnosti, očuvanje i promocija kulturno – historijskog naslijeđa
- Omogućavanje pristupa kulturnim sadržajima stanovništvu ruralnih sredina

2. Pravo učešća

Pravo učešća u javnom pozivu imaju nevladine organizacije/organizacije civilnog društva koje ispunjavaju sljedeće opće uslove:

- da su osnovane i registrovane u BiH,
- da su vođene od strane državljana BiH,
- da svoje aktivnosti realizuju na području općine Kakanj,
- da su projekti namijenjeni građanima općine Kakanj,
- da se projekti odnose na oblasti koje je Općina Kakanj odredila kao prioritete
- da ne obavljaju aktivnosti u ime političkih partija.

Sve zainteresovane nevladine organizacije detaljne informacije o uslovima za aplikaciju i kriterijima za finansiranje mogu pronaći u smjernicama za podnosiocje prijedloga projekata u okviru javnog poziva.

3. Visina sredstava

~~Sredstva za odobrene projekte za podršku mladima će iznositi od 1.000,00 KM do 3.000,00 KM.~~

Sredstva za odobrene projekte iz oblasti obrazovanja, socijalne zaštite i kulture će iznositi od 1.000,00 KM do 5.000,00 KM. Sredstva za ovu namjenu planirana su u budžetu Općine Kakanj za 2020. godinu na poziciji Transfer za omladinske projekte – 8.000,00 KM i poziciji Program ostalih udruženja – 16.000,00 KM.

Aplikant može tražiti ukupan iznos vrijednosti projekta ili dio nedostajućih sredstava, što je dužan naznačiti u zahtjevu. Jedan aplikant može aplicirati sa više projekata iz različitih prioriteta oblasti, sa odvojenim prijavnim obrascima i dokumentacijom.

Sredstvima koja se dodjeljuju u okviru ovog poziva mogu se finansirati administrativni troškovi u maksimalnom iznosu od 20 % od ukupnih troškova projekta.

Općina Kakanj zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

4. Period realizacije projekta

Projekti trebaju biti realizirani tokom 2020. godine, s tim što ne mogu trajati kraće od dva mjeseca.

Projekte će ocjenjivati evaluaciona komisija koju formira Općinski načelnik. Komisija će brojati pet članova od kojih je jedan član predstavnik organizacije civilnog društva koji će biti izabran Javnim pozivom. Istim Javnim pozivom će biti izabran i zamjenski član komisije iz reda organizacije civilnog društva.

5. Aplikanti projektni prijedlog dostavljaju putem protokola Općine isključivo putem prijavnog obrasca.

Prijava treba sadržavati:

- a) obrazac sa spiskom dokumentacije za provjeru,
- b) pregled budžeta,
- c) logički okvir rada,
- d) plan aktivnosti i promocije,
- e) plan potrošnje,
- f) administrativni podaci o aplikantu,
- g) finansijska identifikaciona forma,
- h) izjava o ispunjavanju općih uslova za učešće u javnom pozivu
- i) narativni budžet,
- j) prijedlog projekta.

6. Udruženja koja se prijavljuju na Javni poziv dužna su dostaviti dodatnu dokumentaciju:

- a) rješenje o registraciji za aplikanta i partnera ako postoji (original ili ovjerena kopija rješenja),
- b) identifikacijski broj,
- c) ovjerenu fotokopiju lične karte ovlaštene osobe,
- d) opisni izvještaj o realiziranim projektima za prethodnu godinu za ranije osnovane organizacije, odnosno program rada za tekuću ili narednu godinu za novoosnovane organizacije,
- e) uvjerenje o izmirenim poreskim obavezama (original ili ovjerena kopija poreske uprave),
- f) uvjerenje o izmirenim doprinosima za zaposlene, ako ima zaposlenih u organizaciji (ako nema zaposlenih priložiti izjavu da nema zaposlenih)
- g) završni godišnji finansijski izvještaj za prethodnu godinu (bilans stanja i bilans uspjeha), osim ako je udruženje registrovano u godini objavljivanja Javnog poziva,
- h) podaci o osobama koje realizuju projekat (kraći CV sa dokazima)
- i) drugi dokumenti koji mogu biti relevantni.

7. Projekti koji se neće finansirati:

- a) projekti udruženja koja nisu izvršila svoje obaveze po ranije odobrenim projektima finansiranim iz budžeta Općine,
- b) projekti koji se isključivo odnose na jednokratne manifestacije, osim u slučajevima kada su dio trajnijeg i sveobuhvatnijeg projekta,
- c) projekti koji se odnose na povremene konferencije, osim ako su neophodne za uspješnu implementaciju projekta,
- d) projekti koji se odnose na finansiranje redovnih aktivnosti podnosioca projektnog prijedloga ili njihovih partnera,
- e) projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme osim ako je neophodna za uspješnu implementaciju projekta,
- f) projekti kojima je predviđen dio administrativnih troškova (ljudski resursi, putovanja/prevoz, kancelarijski troškovi) veći od 20 % od ukupnih troškova projekta,
- g) projekti koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursovima,
- h) projekti koji su usmjereni prema vjerskim ciljevima i aktivnostima,
- i) projekti koji su usmjereni prema političkim aktivnostima,
- j) projekti koji su namijenjeni za isključivu dobit pojedinca
- k) projekti koji se zasnivaju na dodjeljivanju sredstava trećoj strani

Projektni prijedlozi s nepotpunom dokumentacijom i dostavljeni izvan predviđenog roka neće biti razmatrani ni finansirani.

8. Preuzimanje dokumentacije:

Dokumentacija za prijavu na Javni poziv se može preuzeti na web stranici Općine Kakanj www.kakanj.gov.ba.

9. Predaja aplikacija:

Elektronski ispunjena aplikacija (sa kompletnom zahtijevanom dokumentacijom) se mora dostaviti u dva (2) primjerka u štampanoj formi u zatvorenoj kovrti na protokol Općine Kakanj u vremenu od 8 do 15,30 sati ili poštom na adresu Općina Kakanj, Ulica branilaca 1, Kakanj.

Rok za predaju prijave/aplikacija je 28 dana od dana objavljivanja na sredstvima informisanja odnosno do 17.04. 2020. godine do 15 sati.

Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora da sadrži naziv poziva za predaju prijedloga projekata, puno ime i adresu aplikanta, puni naziv projekta sa naznakom "Ne otvarati prije zvaničnog otvaranja". O primljenoj pošiljci u općini će se voditi uredna evidencija i izdavati potvrde o prijemu.

Svi podnosioci koji su predali prijedloge projekata pismeno će biti obaviješteni o odluci u vezi sa njihovim prijedlogom projekta u roku od 30 dana od dana zatvaranja javnog poziva.

Dostavljeno :
1x oglasna ploča
1x web stranica Općine



OPĆINSKI NAČELNIK

Aldin Šljivo